



Inatsisartunut ilaasortaq Andreas Uldum, Demokraatit

KNR-ip inuiaqatigiinnut sullissinissaq pillugu isumaqatigiissutaat pillugu § 36 naapertorlugu apeqqummut nr. 2010-143-mut akissut

Asasara Andreas

Inatsisartut suleriaasianni § 36, imm. 1 naapertorlugu apeqquinnut nr. 2010-122-mut akissutinut nangitsissutitut matumani apeqquinnut itisiliiffiusunut pingasunut akissuteqarpunga. Apeqqutit tamarmik ataanni akineqarput.

1. Suna pissutaava KNR-ip Namminersortullu Oqartussat akornanni suli inaarutaasumik isumaqatigiissutiliorsimanginnerat januarip aallaqqaataaniit 2009-mit siunissamut ukiut sisamanoortumik?

Akissut: Siusinnerusukkut apeqquinnut akissummi taaneqartutut siullermik KNR-imi aqutsisunngortussat utaqqineqarsimapput, pisortat siulersuisullu taarsersimallutik, piffissami isumaqatigiissutaasimasup naanerani.

KNR-ip pisortartaava 1. januar 2009-mi atorfinippoq piffissamullu 2009 – 2012-imut inuiaqatigiinnut sullissinissaq pillugu isumaqatigiissutissatut siunnersuusiortuluni. Siunnersuut KNR-imi siulersuisut 26. marts 2009-mi ataatsimiinneranni eqqartorneqarpoq. KNR-imili siulersuisut kissaatigisimavaat tunisassiornermet missingersuutit ammut iluarsineqasasut, KNR-ip sippuilluni atuisinnaatitaanermet KNR-ip immikkut aningaasartuutaanik ersersitsinngortillugit.

KNR-imi siulersuisut angusassatut isumaqatigiissutissatut siunnersuut nutaaq 16. december 2009-mi akueraat, tamatuma kingorna siunnersuut KIIIN-imut nassiunneqarluni. Tamatuma kingorna isumaqatigiissut pisariillisarneqarpoq pissusiviusunullu naleqqusaaqqinneqarluni, anguniakkat KNR-ip aningaasaqarnikkut inissisimaneranut tunngatilugu piviusunngortinneqarsinnaanngorlugit.

Sippuilluni atuisinnaatitaanermet akilersuineq ullumikkut ukiumut 1,9 mio. kr.-imiippoq, taakkunannga erniat 0,9 mio. kr.-iullutik. Akilersuineq ukiuni 15-ini ingerlassaaq. tamanna isumaqatigiissutaavoq KNR-ip 23. juni 2010-mi Aningaasanut Naalakkersuioqarfimik isumaqatigiissutigisaa.

Aammattaaq ilisimatitsissutigineqarsinnaavoq isumaqatigiissut maanna atsiorneqarsimaleremat 1. juli 2010-mi. Isumaqatigiissut www.nanoq.gl –imut ikkunneqarumaarpoq.

5. juli 2010
Sagsnr. 2010-033462
Dok. Nr. 409807

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@nanoq.gl
www.nanoq.gl

**2. Qanoq ilillutik Naalakkersuisut qulakkiissavaat KNR-ip inuiaqatigiinni sullissis-
arnissaminut eqqortitsinissaat inaarutaasumik isumaqatigiissutiliortoqarsimann-
ginnera atuutsillugu?**

Akissut: Piffissami angusassatut isumaqatigiissutaasimasup atorunnaarnerata kingorna-
ni nutaamik isumaqatigiissuteqarnissap tungaanut KNR piumasaqaatinut allanut sulias-
sarisat aallakaatitassallu pillugit peqqussummi nr. 6-imi, 14. november 2004-meersumi,
kingullermik Inatsisartut peqqussutaatigut nr. 3-kkut, 19. maj 2010-meersukkut piuma-
saqaatigineqartunut suli ilaatinneqarpoq. Aammattaaq oqaatigineqassaaq isumaqatigiis-
sut nutaaq atuutilersinneqarnermini 1. januar 2009 - 31. december 2012-imut atuummat
taamaalilunilu aamma kinguaqqalluni.

**3. Naalakkersuisut qanoq siumut sammisumik iliuuseqassappat ukiup affaa sinn-
erlugu KNR-ip Namminersorlutillu Oqartussat akornanni allakkatigut inaarutaasu-
mik isumaqatigiissutiliorsimannginnerat pinngitsoorteqqikkusullugu?**

Akissut: Naalakkersuisut isumaqarput ukioq manna inissisimaneq immikkut ittuusima-
soq, tassami pissutsit arlallit atuussimammata. Taakku apeqqummut 1-imut akissummi
nassuiaatigineqarput taamaattumiillu matumani sukumiinerusumik iserfigissanngilakka.

Taamaattorli Namminersorlutik Oqartussat KNR-illu akornanni isumaqatigiinniarnermut
tunngasut pineqarmata naatsorsuutigisariaqarpoq siunissami inuiaqatigiinnut sullissineq
pillugu isumaqatigiissuteqarnissani isumaqatigiissutit nutaat atuutilereerneranni aatsaat
isumaqatigiissutit atsiomeqartarsinnaassasut.

Ikinngutinnersumik inuulluaqqusillunga

Mimi Karlsen